



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

De Dolo Et Contvmacia & calumnia alterius partium punienda.

urn:nbn:de:hbz:466:1-15588

Pars III.

DE DOLO ET CONTVMACIA
ET CALVMNIA ALTERIVS
partium punienda.

CAP. I.

Idem Herefordensi episcopo.

AD hæc cum contingat actorem multoties mittendum esse in possessionem causa rei seruandæ propter absentiam alterius partis, & per eius dolum siue potentiam actor non possit rem custodiendam nancisci: & imminente fine anni, reus, ne possessionem amittat, debitam offerat cautionem, cuiusmodi pœna sit mulctandus, quia *responsioni non paret iudicis, a nobis tua fraternitas postulauit. Ad quod dicimus, quod in ecclesiasticis personis & negotiis rigor & districtio iuris non requiritur nec exercetur. Sed cum propter hoc iustitia non periclitatur, admitti debet & patienter tolerari, cum reus per cautionem standi iudicio se astringit.

CAP. II. *Idem.*

Calumniam & audaciam temere litigantium condemnando in expensas, & alio multiplici remedio, imperialis sanctio compescit. Quoniam igitur sacris institutis consonare dignoscitur, præcipimus vt de cetero in causis pecuniariis victus victori in expensas condemnetur, nisi forte, sicut cautum est, pro absente sententia feratur.

CAP. III.

Causam quæ inter dilectos filios nostros de * Giseleburn & canonicos de * super ecclesia de * Leuentri & capella de * Chorun, & iure decimarum super quadam transactione, quæ exinde post appellationem facta fuisse dicitur, diutius est agitata, ad suggestionem cuiusdam canonici de * Chorun, experientia vestra sub certa forma commisimus terminandam. Verum quidam canonicorum de * Giselebuc, ad nostram postmodum præsentiam accedentes, dilectorum filiorum nostrorum cardinalium tunc sedis apostolicæ literas pertulerunt, in quibus conti-

ANNO
CHRISTI
1179.

nebatur, quod cum de mandato nostro causam suscepissent definiendam, canonicos de * Giseleburc in possessionem prædictæ ecclesiæ induxerunt. Verum quia prædicti cardinales tantæ honestatis, circumspectionis & maturitatis habentur, quod eis fidem omnimodam adhibemus, & eos credimus rectum & iustum iudicium protulisse: D. V. &c. quatenus si infra annum memorati canonici de * Thorun causa possessionis secundum formam iuris non intrauerint, canonicos de * Giseleborn possessionem, a cardinalibus adiudicatam, quiete faciatis & pacifice possidere, non obstantibus literis, quas canonicus de * Thorun, sententia cardinalium tacita noscitur reportasse; ita quoque, quod canonici de * Thorun, de proprietate agere voluerint, causam ipsam vsque ad diffinitiuam sententiam, remota appellatione, audiatis & sine debito terminetis. Si qua vero partium duxerit appellandum, depositiones iuratorum testium, & alias rationes vtriusque partis sub vestris sigillis claufas, nobis mittatis, terminum vtrique parti congruum præfigentes, quo debeant cum ipsis attestationibus & rationibus se apostolico conspectui præsentare.

C A P. I V. *Idem priori & canonicis de * Giseleburn.*

Constitutis in præsentia nostra dilecto filio nostro R. canonico, & responsalibus dilecti filii nostri G. præpositi ecclesiæ * Beuellacensis super possessione ecclesiæ de * Leuintri, in qua de mandato & auctoritate nostra per iudices delegatos, videlicet * Exoniensem episcopum & priorem de Knieleunede, causa rei seruandæ fueratis introducti, hinc inde fuit coram te aliquantulum disputatum. * Et tantumdem post rationes, & allegationes vtrimque productas, ex vtriusque partis tenuimus assertionem, quod licet causa rei seruandæ tantum in possessionem eiusdem ecclesiæ fuissetis inducti, infra annum tamen altera pars non præstitit cautionem super eadem ecclesia vobiscum iudicio standi, licet voluntatem habuerit ipsam cautionem præstandi, & vos fuissetis parati eam recipere. Inde est vtrique, quod nos de communi fratrum nostrorum consilio auctoritate apostolica decernimus, vt vos amodo possessionem præscriptæ ecclesiæ, saluo iure quod idem præpositus in petenda ecclesia habere dignoscitur, libere &

Concil. Tom. 27.

Ttt ij

absque contradictione qualibet habeatis, nec præfatus præpositus super possessione aliquatenus vos audeat de cetero fatigare.

C A P. V. *Idem abbati Riualis, & priori de Bridi.*

Dilecti filii nostri abbas & fratres de Neuhus, transmissa nobis insinuatione literarum, monstraerunt, quod cum causa quæ vertitur inter ipsos & abbatissam & moniales de Elneftou Vestex, super ecclesia sancti Petri de Altun, quam prædicti fratres diu canonice & inconcussa, sicut asserunt, possederunt, & adhuc possident, dilectis filiis decano Linc, & archidiacono de Bedeford ad suggestionem nuntii monialium prædictarum commissemus fine debito terminandam, prædicti fratres timentes a iudicibus grauari, eo quod ad primam citationem diem statuerunt peremptorium, ad audientiam nostram appellarunt, sed ipsi nihilo minus ecclesiam interdicto supposuerunt. Quia vero non spectat ad iuris ordinem, diem peremptorium, maxime cum de rebus ecclesiasticis agitur, nisi maxima ingruente necessitate, ita maturare: neque inter eos qui contumaciter se absentant, sententiam taliter promulgare, nisi quod aduersa pars in possessionem mittatur, ut sic tadio affecti, iustitia stare cogantur: F. T. &c. quatenus partes ante præsentiam vestram conuocetis, & rei veritatem diligenter inquiratis: & si vobis constiterit, quod memorati fratres præfatam ecclesiam canonice fuerint adepti, eosdem fratres ipsam ecclesiam ab interdicto solutam, sub app. re. pacifice possidere faciatis, & aduersæ parti silentium imponatis.

Peremptorium ad primam citationem, non nisi ex magna necessitate proponendum.

Part IV.

DE DECIMIS PRÆSTANDIS.

C A P. I. *Idem Cusano episcopo.*

INTELLEXIMVS ex literis tuis, quod R. de * Lantino parochianus tuus, tamdiu, scilicet sex annis, decimas capellæ suæ tibi detinuit, asserens quod in commutatione ipsius decimæ, prædecessori tuo reditus quarundam dedit villarum, quos etiam tibi vult assignare. Ceterum quia decimæ cum temporalibus non sunt commutandæ, attendentes, tibi auctoritate præsentium inhibemus, ne præ-